

Kimyo sanoatidagi natijalar va yangi loyihalar ko'rib chiqildi

// 21 September 2022 yil

<https://pda.uzkmyosanoat.uz/oz/press/news/kimyo-sanoatidagi-natijalar-va-yangi-loyihalar-kurib-chiqildi>



Prezident Shavkat Mirziyoyev 21-sentabr kuni kimyo sanoatida erishilgan asosiy ko'rsatkichlar va rejulashtirilgan loyihalar taqdimoti bilan tanishdi.

Islohotlar natijasida kimyo sanoatida mahsulot turi ko'payib, rentabellik oshdi. Joriy yil 8 oyda 1 million tonnadan ziyod mineral o'g'it ishlab chiqarildi. Eksport qariyb 2 baravar ko'payib, 330 million dollarga yetdi.

Yana bir muhim jihat, sohaga investorlarning ishonchi ortib, sarmoya kiritishni boshladi. Jumladan, bugungi kunda xususiy sektor kimyo tarmog'ida 2 milliard dollarlik 15 ta loyihani amalga oshirmoqda. Ularning 5 tasi yaqinda ishga tushdi.

Shu bilan birga, sohani yuqori qiymatli mahsulot ishlab chiqaradigan tarmoqqa aylantirish bo'yicha hali qilinadigan ishlar ko'p. Korxonalarni xomashyo bilan ta'minlash va texnologik yangilash, kimyo klasterlari tashkil etish, ishlab chiqarishni kengaytirish zarur.

Taqdimotda shu borada bajarilgan ishlar va yil yakunigacha kutilayotgan natijalar to'g'risida ma'lumot berildi.

Davlatimiz rahbari bu sohadagi kelgusi vazifalarni ko'rsatib o'tdi.

Ma'lumki, Qoraqalpog'iston Respublikasi, Farg'ona, Navoiy va Toshkent viloyatlaridagi yirik korxonalar

negizida 4 ta kimyo klasteri tashkil etilmoqda. Ular xomashyodan tayyor mahsulotgacha ishlab chiqaradigan bo'ladi. Hozirda 1,8 milliard dollarlik 14 ta loyiha amalga oshirilmoqda va 5,6 milliard dollarlik yana 29 ta loyiha rejalashtirilgan.

Prezidentimiz ushbu klasterlar faoliyatini samarali yo'lga qo'yish uchun loyiha ofisi tuzish, bo'sh turgan maydonlarni lotlarga ajratib, xususiy investorlarni jalg etish kerakligini aytdi.

Kimyo zavodlarida ilg'or tajriba va zamonaviy texnologiyalarni joriy etish, ulardagi davlat ulushini xususiylashtirish bo'yicha ko'rsatmalar berildi.

Dunyodagi hozirgi murakkab vaziyatda qishloq xo'jaligini mineral o'g'it bilan uzlaksiz ta'minlash muhimligi ta'kidlandi.

Bozorda hamisha talab bo'lgan yana bir yo'nalish – maishiy kimyo vositalari. Hozircha bu talabning katta qismi import hisobidan qoplanmoqda. Mahalliy mahsulotlarning o'rnini oshirish uchun xomashyo va sifat kerak. Shu bois bu yo'nalishda xususiy sektorga keng o'rinn berib, ularni xomashyo bilan ta'minlash, xalqaro brendlarni olib kelish vazifasi qo'yildi.







O'zbekiston Respublikasi Prezidentining
BUOT XIZMATI